

純常子枝語

第
三
冊

純常子林譜

卷之三

純常子枝語卷三十七

萍鄉文廷式撰

皇甫持正集

二東晉元魏正閏論曰

所以爲中國者以

禮義也所謂夷狄者無禮義也

豈繫于地哉

杞用夷禮

卽夷矣子居九夷

夷不陋矣

沐紂之化商士爲頑人

矣因戎之遷伊川爲陸渾矣

非繫于地也

困學紀聞卷

十四云閩俗比中州化於善也

蔡人過夷貊化於惡也

韓非子有度篇夫人臣之侵其主也如地形焉

卽漸以

往使人主失端東西易面而不自知故先王立司南以

端朝夕按此地圓之說人日向東行久之則東行者自

原位觀之則向西行而漸復其本點矣人日向西行久之則西行者自原位觀之則向東行而復其本點矣此所謂卽漸以往易面而不自知也注家以耕地漸就削滅釋之失其意矣

開元占經四引考靈曜曰地有四游冬至地上北而南三萬里矣恆動而不止而人不知譬如人在大舟行而人不覺也此言地動之義至爲明顯

永樂大典六千三十八引風俗通云青陽黃帝子也始得姓焉見國語漢有東海太守青陽晉又東海王國中尉青陽精按此姓氏篇之佚文又二千三百四十六風

俗通云凡氏於職三烏五鹿有三烏大夫因氏焉漢有
三烏郡爲上都計又一萬九千六百九十五風俗通云
殷紂子武庚祿父後以王父字爲氏今涇陽有此姓亦
出扶風

大典二千四百六云干姓篇初出何氏姓苑宋初房舉
賢良方正干姓篇未詳何人所作

又五百四十一引姓氏英賢傳云楚熊渠生無庸因氏
又無庸先生學仙道

御覽三百七十五引春秋元命包腦之爲言在也人精
在腦按此說在道家專重泥丸之先

御覽三百八十八引楊泉太元經云老子行則滅跡立則隱形是晉人以老子爲神仙之學

吳縣蔣敬臣跋支遁集云許詢集今可稽者黑白塵尾銘二首見北堂書鈔一百三十四太平御覽七百三鍾仲偉稱孫綽許詢彌善恬淡之辭徵士詩一字不傳惜哉余按藝文類聚六十九引許詢竹扇詩曰良工眇芳林妙思觸物騁蔑疑秋翼蟬團取望舒景又八十八引許詢詩曰青松凝素髓秋菊落芳英是零珪斷璧猶有可尋蔣氏以爲一字不傳誤矣

鑑宦叢錄云吉金文王朝與諸國異文異制多見自知

又云吉金各國自有書以王朝書爲佳吉金惟楚書氣勝於法餘則以字大者爲佳又云楚書奇而不及王朝此足見楚國人文之盛然金文仍出於篆雖筆畫之偶異固無害於同文也韋昭辨釋名曰

類聚四十九

鴻臚腹

前肥者曰臚此主王侯及蕃國言以京師爲心體王侯外國爲腹臚以養之也辨云鴻臚本故典客掌禮鴻大也臚陳序也欲大其禮陳序賓客按蕃國語言文字必稍異於京師故秦漢皆有典客之官則周制吉金樂石各隨其方固其宜矣

朱子主張濂溪有太過處如語類九十四真卿云通書

便可上接語孟曰比語孟較分曉精深結構得密語孟說得較闊信如斯言則語孟不分曉不精深耶恐當時語氣偶有抑揚記者亦未善也宋元學案黃文潔云濂洛之言雖孔孟亦所未發伊川學案余謂孔孟未發則非孔孟之學可不必強爲一家也

西人譯穆教書云穆罕嚕德有妻二十一人據其自言五妻前死六妻休去十妻偕老今按天方至聖實錄穆罕嚕德僅九妻耳蓋有所諱也

又云據阿拉皮卽阿刺國史書云賽爾第蘇哈巴

唐高祖時阿拉

皮王遣偕甘由廣東回國時正值穆罕嚕德謝世問有古士來朝

無遺屬廷臣曰無他言惟願咈嘞全經傳中國耳賽爾
第蘇哈巴奉咈嘞全經來中國專心傳教從者日眾余
按唐宋之時回教未盛卽其來者亦祇存國俗未染居
民是穆有遺言賽無實效至雲南回教附會唐皇之異
夢欲比漢明之金人史所不言非事實矣然西人云穆
罕騫德之經商在埃及猶太西利亞諸國地深知各教
之宗旨教規故欲立教甚易而刱教極慎是其學博才
雄加之鷙悍又能兼通武事四征不庭其流傳久遠非
無故也且奉行密印實用陰謀千古以還竟無其匹謂
之天之所授誰曰不宜而謨色拉馬更欲刱教以襲其

迹豈不謬哉

董方立跋景教碑云碑稱三百六十五種肩隨結轍與
回教相合三百六十五種何以合回教余所未詳
又云歐邏巴之教出於回教則董氏失考之辭也梅定
九謂西洋之學因回教而加精斯得其實矣

唐傳猷校錄清真釋疑自敘云教種雖繁一言而決無
論何教在在以儒律之近於儒則爲正遠於儒則爲邪
斯千古不刊之論矣穆教中人而爲此言實平情之說
也

安南志略九朝衡日本人開元中奉幣來朝慕中華之

風因留焉改名晃衡厯使中國

此句疑有誤

永泰二年爲安

南都護時生蠻侵得化龍武二州境詔朝衡往勞之按

李太白集有哭晁卿衡七絕蓋卽此人

安南志略十四記兵制游軍有鐵林都鐵艦都按鐵艦二字始此惜志略不詳其制度

林樂知論教云耶蘇視天主自不同處觀之神父不娶而如僧貞女不嫁而如尼懸聖像於堂間然蠟燭於座上加之誦聖經以捺丁之語祕聖經如珍寶之藏其緜文納節儼然與佛教相同由是觀之天主教亦像教也然自天主教人論耶蘇教則以爲蕩蔑舊規全非教法

矣

朱宗元拯世略說云道家旣奉玉皇爲昊天至尊又以三清列其上將以誰爲主乎況玉皇乃漢末人行事無實迹羽流不盡知惟林靈素知之其封號則出於宋朝亡國之君又云如漢末張儀出于道君一夢得于術士一請妄以玉皇名號追贈於千餘年之後余按酉陽雜俎以天帝爲劉翁又爲張堅所奪此蓋漢末張角作亂之時造爲此辭實與蒼天當死黃天當立之類如出一口若靈素之所請則又別有肺腸然東坡詩云一朵紅雲捧玉皇則玉皇之稱當在徽宗以前矣道家言天寶

多可議固宜授基督教以攻擊之柄也

明西士龐迪我七克五云饗患過節酒最大聖亞吾斯丁云酒過節則奪心鈍五官昏靈神煩淫慾消朽血弱體銷精神減壽命經云子勿自欺酒醉者無分於天國也據此則基督教亦惡酒特不如依石藍教之懸爲厲禁耳

陶隱居集答朝士訪仙佛兩法體相書曰凡質像所結不過形神形神合時則是人是物形神若離則是靈是鬼其非離非合佛法所攝亦離亦合仙道所依按六朝人言仙佛之道大概如是此范緝神滅論所爲力闢異

學也

十二屬世多從徐氏取演禽十二宮中星之說董方立與陳靜菴書云古時星度惟子午卯酉各三宿餘辰俱二宿淮南子言太陰在四仲則歲星行三宿在四鉤則歲星行二宿此其明證女宿屬子故蝠鼠同類不與斗牛相次猶氐宿屬卯不可同于角亢之蛟龍也徐氏之說恐未必然而尾箕之虎豹亦無容改易矣十二辰既屬三十六禽復取其大者及常有者爲十二屬說文已象蛇形古文亥與亥同吳越春秋言吳築城以越在巳地故作蛇門吳在辰故南門象龍角是十二屬自古有

之而演禽則起於後代余謂方立此說致確墨西哥與
中華分國必在三千年前而十二屬大半與中國同知
十二屬冥中國之古說矣禱馬用庚午日見於詩亦其
證也困學紀聞九云宋文公韓文攷異謂十二物未見
所從來愚按吉日庚午旣差我羮午爲馬之證也季冬
出土牛丑爲牛之證也說文亦謂巳爲蛇象形十二物
見論衡物勢篇閻百詩云獨不及辰之禽龍余謂論衡
有龍虛篇故仲任特去龍不言耳然論衡言毒篇固云
辰爲龍巳爲蛇矣

劉喜海海東金石存攷新羅角干墓十二神圖像

唐咸亨間

像爲十二時生肖每神手執一兵器又掛陵十二神圖
像與角干墓大同小異是十二屬之說且行於東國矣
輔行記第八之三云十二時獸者若五行中名十二肖
餘五行法並但十二唯六壬式中列三十六

仲尼祖述堯舜孟子曰堯舜之道孝悌而已矣此孔孟
之學也程子曰性中只有箇仁義禮智四者而已曷嘗
有孝弟來此悖義傷教之言也故宋儒之理學非孔孟
之學也程子又云東漢尙名節有雖殺身不悔者是不
知道也然則殺身成仁之訓孔子之說非歟

困學紀聞五孔子曰少通大連善居喪東夷之子也唐

扶餘璋之子義慈號海東曾子頡利之子疊羅支其母死後不敢嘗品肉孰謂夷無人哉

永樂大典初修時蓋頗用參互考訂之法後乃愈草率耳如元史張德輝諸人傳皆以經世大典分注于下實足以資攷證今具錄於左

元史張德輝云云疏烏古論貞等二十人以聞

經世大典德輝

手疏烏古論貞張邦彥徒單公履張彥張肅李槃張昉
曹椿年西方賓周止高逸民王博文劉郁孫汝楫王惲
胡祇遹周砥李謙魏初鄭辰等以聞大典六千三百八

元史張柔字德剛云云多慕義從之

經世大典知剛世居涿州定興隸民籍額右有異內如錢怒則奮起貧不事家產嘗曰大丈

夫當爲公侯田舍翁無足道也任俠遊燕趙閒金至忘